

Ասածներէց պարզ պիտի լինի ուրեմն, որ իսկապէս անկարելի էլ է փորձել գէթ մօտաւոր ճշդութեամբ թէ ի՛նչ տարածութիւն եւ ի՛նչ ազգարնակութիւն ունէին տուեալ տարեթուերին Հայաստանը (Անդրկովկասեան), Վրաստանը եւ թաթարական երկրամասը, քանի որ դրանք երբեք էլ չեն ունեցել հաստատուն, ամէնի կողմից ճանաչուած եւ ընդունուած սահմաններ: Անդրկովկասում անկախ հանրապետութիւններ հռչակուելուց (1918 թ.) յետոյ անգամ՝ չստեղծուեցին այդ նախապայմանները:

Այսօր դոյութիւն ունեցող բաժանումներն էլ ոչ այլ ինչ են, եթէ ոչ վերից, երրորդ կողմից արուած հարկադրական թելադրանքներ: Նշանակում է՝ ինչ ասուի այս մասին, մանաւանդ նախնական շրջանների համար, պիտի ընդունել ո՛չ միայն մօտաւոր ճշդութեամբ, այլ եւ սոսկ պայմանական ձեւով:

Այդ տեսակէտից մօտենալով խնդրին՝ վերջէնք ուրեմն, որ 1838 թուականին, ռուս տիրապետութեան առաջին տասնամեակում, նորեկ տիրապետողները եւ առհասարակ հանրային գիտակցութիւնը — եթէ միայն խօսք լինե՛լ կարող է այն ժամանակուայ համար հանրային գիտակցութեան մասին — որպէս Հայաստան (Անդրկովկասեան) էին ճանաչում միմիայն «Հայկական Երջանը». ասել է՝ Երեւանի եւ Նախիջևանի նախկին խանութիւնները եւ կամ, յետագայի վարչական բաժանումով, Երեւանի նահանգը՝ առանց Երզրակի եւ Փամբակի (Ալ-Պոլի գաւառ):

VII

19-րդ դարի ընթացքում Անդրկովկասի ժողովուրդների մէջ չձագեց ազգային-հողային պահանջ, ցեղազրական ինքնամիտուման եւ քաղաքական իմաստով: Վրացիները, որ համեմատաբար նոր էին կորցրել իրենց քաղաքական անկախութիւնը եւ մի քանի անգամ անյաջող ապստամբութիւններ ապրել, ամենից աւելի պահեցին, ճիշդ է, ազգային ինքնուրոյնութեան գիտակցութիւնը, բայց նրանք էլ չուտ հրաժարուեցին դրանից: Դրա փոխարէն նրանք պահպանեցին ցեղագրական վրաստանը գրեթէ անխաթար: Նրանք հո՞ծ մեծամասնութեամբ

նստած մնացին իրենց պատմական հայրենիքում:

Հայերի քաղաքական գիտակցութիւնը թէեւ արթնացաւ տակաւ, դարաւոր ստրկական անցեալի մրափից, բայց այդ գիտակցութիւնն էլ հայի քաղաքական ինքնուրոյնութեան անօթը սահմանի ա՛յն կողմը որոնել սկսեց եւ հետապնդեց յամառօրէն: Սահմանի այս կողմը նա կորցրել էր հայրենի հողերի մի մասը, միւս մասում էլ երկար ժամանակ մնաց նօսրացած վիճակում:

Մենք տեսանք արդէն, թէ ի՛նչ տխուր պատկեր էր ներկայացնում հայութեան քանակական պատկերը ռուս տիրապետութեան սկզբին եւ դեռ այնուհետեւ էլ, բաւական ժամանակ: Եւ որ գլխաւորն է՝ մեր հայրենի հողամասերը ծուէն-ծուէն էին արուած Անդրկովկասում: Հայութեան տարածման վայրերը այն ժամանակները կղզեակների էին նմանում, ընկած օտարացեղ ծովում: Անգամ «Հայկական Երջան»-ը, որպէս այդպիսին, որ հայ հայրենասէրների մտորումներով կոչուած էր լինելու, դեռ մեզինից 100 տարի առաջ, վերածընուող հայ պետականութեան «կորիզը», աներեւութացաւ շուտով աշխարհացոյցի վրայից: Զարթնող հայ քաղաքական միտքն էլ հողային տեսակէտով ուրիշ հունի մէջ առնուեց:

Թաքարները որպէս ազգութիւն հօ դոյութիւն չունէին: Աւելի շուտ՝ կար մահմեդական բնակչութիւն; նոյն կրօնին պատկանող ցեղերի մի կատարեալ կօնդումբատ. զուրկ պատմական անցեալից, զուրկ սեփական մշակոյթից, զուրկ ազգային գիտակցութիւնից: Ռուս վիճակագրութիւնն եւս յաճախ նրանց խառնում էր մէկ ամանի մէջ եւ պարզապէս մահմեդական «ընդհանուր» յորջորջման տակ արձանագրում: Սեփական պետականութեան, սեփական տերրիտորիայի պահանջը չունէին: Հեռաւոր կերպով յիշում էին իրենց անցեալի կապը Պարսկաստանի հետ: Տաճկաստանի կապի մասին հօ խօսք չկար: Անուանապէս — աշխարհադրապէս էլ չունեցան սեփական տերրիտորիա: Ցեղազրական տեսակէտից եւս անխառն չէր յետագային նրանց անուանը կապուած տերրիտորիան: Ամէն տեղ, եւ մանաւանդ ծայրամաս-